

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

RJEŠENJE

Prijava koncentracije privrednog subjekta Tropico Group B.V., Kraljevina Holandija

Sarajevo
juli, 2014. godine



Broj: 03-26-1-006-11-II/14
Sarajevo, 17.7.2014. godine

Na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16. i 18. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po Prijavi koncentracije privrednog subjekta Tropic Group B.V., Haaksbergweg 79, 1101 BR Amsterdam, Kraljevina Holandija, podnesenoj putem advokatske kancelarije Marić & Co d.o.o., Mehmeda Spahe 25, 71000 Sarajevo, zaprimljenoj dana 14.4.2014. godine pod brojem: 03-26-1-006-II/14, Konkurencijsko vijeće Bosne i Hercegovine, na 94. (devedesetčetvrtoj) sjednici održanoj dana 17.7.2014. godine, donijelo je

R J E Š E N J E

1. Ocjenjuje se dopuštenom koncentracija na tržištu trgovine na malo robom široke potrošnje na tržištu Bosne i Hercegovine, koja će nastati sticanjem kontrole privrednog subjekta Tropic Group B.V., Haaksbergweg 79, 1101 BR Amsterdam, Kraljevina Holandija nad privrednim subjektom Delhaize BH d.o.o. Banja Luka, Branka Popovića 115, 78000 Banja Luka, kupovinom (..)**¹% dionica.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u „Službenom glasniku BiH“, službenim glasilima entiteta i Brčko distrikta Bosne i Hercegovine.

Obrazloženje

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo Prijavu koncentracije (u daljem tekstu: Prijava), dana 14.4.2014. godine pod brojem broj: 03-26-1-006-II/14, podnesenu putem Advokatske kancelarije Marić & Co, Mehmeda Spahe 25, 71000 Sarajevo (punomoć od dana 9.4.2014.godine), po kojoj privredni subjekt Tropic Group B.V. Haaksbergweg 79, 1101 BR Amsterdam, Kraljevina Holandija (u daljem tekstu: Podnosilac prijave ili Tropic Group) namjerava steći (..)**% dionica u privrednom subjektu Delhaize BH društvo sa ograničenom odgovornošću Banja Luka, Branka Popovića 115, 78000 Banja Luka (u daljem tekstu: Delhaize BH), koje su u vlasništvu privrednog subjekta Delhaize Srbija d.o.o. Beograd, Jurija Gagarina 14, 11000 Beograd, Republika Srbija (u daljem tekstu: Delhaize Srbija) i to (..)**% dionica i (..)**% dionica u vlasništvu privrednog subjekta Lion Retail Holding S.A.R.L., Rue d' Olm 51, L-8281 Kehlen Grand Duch of Luxemburg, Veliko vojvodstvo Luxemburg (u daljem tekstu: Lion Holding).

Konkurencijsko vijeće je nakon uvida u dostavljenu Prijavu utvrdilo da ista nije kompletna i uredna te je zatražilo dopunu aktom broj: 03-26-1-006-1-II/14 dana 28.4.2014. godine. Podnosilac prijave je predmetnu Prijavu dopunio podneskom broj: 02-26-1-006-2-II/14 dana 13.5.2014. godine, podneskom broj: 02-26-1-006-4-II/14 dana 29.5.2014. godine i podneskom broj: 02-26-1-006-5-II/14 dana 2.6.2014.godine.

Konkurencijsko vijeće, u skladu sa članom 16. stav (4) Zakona dana 27.6.2014. godine, je objavilo u dnevnim novinama Obavještenje o dostavljenoj Prijavi (akt broj: 03-26-1-006-7-

¹ (..)**- Podaci predstavljaju poslovnu tajnu, u smislu članka 38. Zakona o konkurenciji

II/14 dana 26.6.2014. godine) (u daljem tekstu: Obavještenje), u kojem su objavljeni podaci o namjeravanoj koncentraciji, te su pozvane sve zainteresovane strane na dostavljanje pisanih komentara u vezi provođenja iste. Na predmetno Obavještenje nisu dostavljeni komentari.

Nakon kompletiranja Prijave Konkurencijsko vijeće je izdalo Potvrdu o kompletnoj i urednoj prijavi, u smislu člana 30. stav (3) Zakona o konkurenciji (u daljem tekstu: Zakon), aktom broj: 03-26-1-006-9-II/14 dana 17.7.2014. godine.

Podnosilac prijave je naveo, u skladu s članom 30. stav (2) Zakona, da zahtjev za ocjenu koncentracije ne namjerava podnijeti nekom drugom ovlaštenom tijelu izvan Bosne i Hercegovine.

Konkurencijsko vijeće je u postupku ocjene dopuštenosti predmetne koncentracije utvrdilo slijedeće činjenice:

Prijava je podnesena blagovremeno, u smislu člana 16. stav (1) Zakona (pravni osnov je Ugovor o kupoprodaji).

1. Učesnici koncentracije

Učesnici predmetne koncentracije su privredni subjekti Tropico Group B.V. Haaksbergweg 79, 1101 BR Amsterdam, Nizozemska, Delhaize Srbija d.o.o. Beograd, Jurija Gagarina 14, 11000 Beograd, Republika Srbija i Lion Retail Holding S.A.R.L., Rue d' Olm 51, L-8281 Kehlen Grand Duch of Luxemburg, Veliko vojvodstvo Luxemburg.

1.1 Privredni subjekt Tropico Group

Privredni subjekt Tropico Group B.V. Haaksbergweg 79, 1101 BR Amsterdam, Kraljevina Holandija, registrovan u Holandskoj privrednoj komori, pod brojem: 60341351, osnovan od fizičkog lica Bojana Risovića, (..)***, 78000 Banja Luka sa (..)**% dionica i Ivane Domazet, (..)***, 78000 Banja Luka sa (..)**% dionica.

Osnovna registrovana djelatnost privrednog subjekta Tropico Group je finansijski holding.

1.1.1. Povezana društva privrednog subjekta Tropico Group u Bosni i Hercegovini

Privredni subjekt Tropico Group na tržištu Bosne i Hercegovine ima vlasničke udjele u privrednim subjektima:

- Moj market d.o.o. Banja Luka, Miše Stupara 38, 78000 Banja Luka (ID broj: 4403447990000), je registrovano u Okružnom sudu u Banja Luci pod brojem: 57-01-0132-12, čiji su osnivači fizička lica Ivana Domazet (Banja Luka) sa (..)**% dionica i Bojan Risović (Banja Luka) sa (..)**% dionica i privredni subjekt „078 COMMERCE“ d.o.o., Mladena Stojanovića 3, 78000 Banja Luka, sa (..)**% dionica.

Osnovna registrovana djelatnost privrednog subjekta Moj market d.o.o. Banja Luka je ostala trgovina na veliko i malo u nespecijalizovanim prodavnicama.

- Tempo Gradnja d.o.o. Banja Luka (ID broj: 4402778970002), Ivana Franje Jukića11/8, 78000 Banja Luka, registrovan u Okružnom sudu u Banja Luci pod brojem:1-16698-00, čiji su osnivači privredni subjekt „Malbašić Company“ d.o.o. Banja Luka sa (..)**% dionica, te fizička lica Bojan Risović (Banja Luka) sa (..)**% dionica i Risović Maja (Banja Luka) sa (..)**% dionica.

Osnovne registrovane djelatnosti privrednog subjekta Tempo Gradnja d.o.o. Banja Luka su organizacija i izvođenje projekata za zgrade.

- TBL Nekretnine d.o.o. Banja Luka (ID broj: 4403499950006), Ivana Gorana Kovačića bb, 78000 Banja Luka, registrovan u Okružnom sudu u Banja Luci pod brojem:1-16865-00, čiji su osnivači fizička lica Bojan Risović (Banja Luka) sa (..)**% dionica i Ivana Domazet (Banja Luka) sa (..)**% dionica.

Osnovna registrovana djelatnost privrednog subjekta TBL Nekretnine d.o.o Banja Luka je izgradnja stambenih i nestambenih objekata;

- NEW TRO d.o.o. Banja Luka (ID broj: 4403619360003) Ivana Gorana Kovačića bb, 78000 Banja Luka, registrovano u Okružnom sudu u Banja Luci pod brojem: 57-01-0232-13, čiji su osnivači fizička lica Ivana Domazet (Banja Luka) sa (..)**% dionica i Nikola Domazet (Banja Luka) sa (..)**% dionica.

Osnovne registrovane djelatnosti privrednog subjekta NEW TRO d.o.o Banja Luka su iznajmljivanje i poslovanje sopstvenim nekretninama ili nekretninama uzetim u zakup;

- RIBNJAK JANJ d.o.o. Banja Luka (ID broj: 4403389420001), Vojvode Uroša Drenovića 105, 78000 Banja Luka, registrovan u Okružnom sudu u Banja Luci pod brojem: 57-01-0299-11, čiji su osnivači fizička lica Ivana Domazet (Banja Luka) sa (..)**% dionica i Bojan Risović (Banja Luka) sa (..)**% dionica i Risović Maja (Banja Luka) sa (..)**% dionica.

Osnovna registrovana djelatnost privrednog subjekta RIBNJAK JANJ d.o.o. Banja Luka je slatkovodna akvakultura.

1.1. Privredni subjekt Delhaize Srbija

Privredni subjekt Delhaize Srbija d.o.o Beograd, Jurija Gagarina 14, 11000 Beograd, Republika Srbija, je registovan kod Agencije za privredne registre pod brojem: 17569171, čiji su osnivači privredni subjekt Delhaize Srbija i privredni subjekt Lion Retail Holding S.A.R.L., Rue d' Olm 51, L- 8281 Kehlen Grand Duch of Luxemburg, Veliko vojvodstvo Luxemburg, sa (..)**% vlasničkog udjela.

Osnovna registrovana djelatnost privrednog subjekata Delhaize Srbija je trgovina na malo u nespecijalizovanim prodavnicama.

1.1.1. Privredni subjekt Lion Holding

Privredni subjekt Lion Retail Holding S.A.R.L., Rue d' Olm 51, L-8281 Kehlen Grand Duch of Luxemburg, Luxemburg, registrovan dana 31.1.2011. godine u Registru privrednih društava Luksemburga pod brojem B 159, 001, sa (..)**% vlasničkog udjela privrednog subjekta Delhaize Group SA/NV, 53, reu Ossegghem, B-1080 MolenbeekSaint-Jean, Kraljevina Belgija.

Osnovne registrovane djelatnosti privrednog subjekta Lion Holding su ulaganja u ostala društva ili preduzeća (bez obzira na njihov oblik) i upravljanje.

1.1.1.1. Povezana društva privrednog subjekta Delhaize Srbija i Lion Holding na tržištu Bosne i Hercegovine

Privredni subjekt Delhaize BH društvo sa ograničenom odgovornošću Banja Luka, Branka Popovića 115, 78000 Banja Luka, je registrovan u Osnovnom sudu u Banja Luci pod

matičnim brojem: 1-16259-00 (osnovan dana 30.8.2007. godine), dana 18.11.2011 godine izvršena je promjena naziva privrednog subjekta u Delhaize BH d.o.o. Banja Luka, u kojem privredni subjekt Delhaize Srbija posjeduje (..)**% vlasničkog udjela, a privredni subjekt Lion Holding posjeduje (..)**% vlasničkog udjela.

Osnovne registrovane djelatnosti privrednog subjekta Delhaize BH su trgovina na malo u nespecijalizovanim prodavnicama (pretežno prehrambenim proizvodima, pićima i duhanskim proizvodima).

2. Obaveza prijave koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekata učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

Ukupni godišnji prihodi privrednih subjekata učesnika koncentracije (i njihovih povezanih privrednih subjekata), na dan 31.12.2013. godine:

Tabela 1.

R.b.	Naziv privrednog subjekta	Svijet (KM)	Bosna i Hercegovina (KM)
1.	Tropico Group	(..)**	(..)**
2.	Moj market, Banja Luka	(..)**	(..)**
3.	Lion Holding	(..)**	(..)**
4.	Delhaize Srbija	(..)**	(..)**
5.	Delhaize BH	-	(..)**

Izvor: podaci iz Prijave

Godišnji prihodi učesnika koncentracije (Tabela 1.) predstavljaju ukupne prihode (bez poreza na dodatnu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata.

Prema podacima navedenim u Prijavi (Tabela 1.), privredni subjekti, učesnici koncentracije, ispunjavaju uslov obaveze prijave koncentracije u pogledu ostvarenog zajedničkog ukupnog godišnjeg prihoda u smislu člana 14. stav (1) Zakona, te su bili obavezni prijaviti koncentraciju.

3. Pravni osnov i pravni oblik koncentracije

Kao pravni osnov ove koncentracije Podnosilac prijave je dostavio Ugovor o kupoprodaji privrednog subjekta Delhaize BH, zaključen dana 31.3.2014. godine između privrednih subjekata Lion Holding i Delhaize Srbija (prodavci) i privrednog subjekta Tropico Group (kupac).

Ugovorom o kupoprodaji privredni subjekt Tropico Group steći će (..)**% dionica privrednog subjekta Delhaize BH, a koje se nalaze u vlasništvu privrednog subjekta Lion Holding sa (..)**% dionica i (..)**% dionica u vlasništvu privrednog subjekta Delhaize Srbija.

U skladu sa naprijed navedenim, a na osnovu člana 12. stav (1) tačka b) pod 1. Zakona, pravni oblik koncentracije je sticanje kontrole jednog privrednog subjekta (Tropico Group) nad drugim privrednim subjektom (Delhaize BH), kupovinom većine dionica.

4. Pravni okvir ocjene koncentracije

Konkurencijsko vijeće je u postupku ocjene koncentracije primijenilo odredbe Zakona, Odluke o utvrđivanju relevantnog tržišta («Službeni glasnik BiH», br. 18/06 i 34/10), te Odluke o načinu podnošenja prijave i kriterijima za ocjenu koncentracija privrednih subjekata.

Konkurencijsko vijeće je, na osnovu člana 43. stav (7) Zakona, koristilo sudsku praksu Evropskog suda i odluke Evropske komisije, kao i kriterije i standarde iz Obavijesti Evropske Komisije o izračunavanju ukupnog prihoda u skladu s Uredbom Vijeća (EEZ) broj: 4064/89 o kontroli koncentracije privrednih subjekata.

5. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Uzimajući u obzir pretežne registrovane djelatnosti učesnika koncentracije, relevantno tržište proizvoda i/ili usluga u konkretnom slučaju je tržište trgovine na malo robom široke potrošnje.

Slijedom navedenog, pod relevantnim tržištem predmetne koncentracije smatrat će se tržište trgovine na malo robom široke potrošnje na teritoriji Bosne i Hercegovine i Republike Srpske.

5.1. Analiza tržišta koncentracije

Tržište trgovine na malo robom široke potrošnje na relevantnom geografskom tržištu Bosne i Hercegovine u 2013. godini:

Tabela 2.

R.b.	Naziv privrednog subjekta	Ukupni prihodi trgovine na malo (KM)	Tržišni udio%
1.	Konzum d.o.o. Sarajevo	(..)**	(..)**
2.	BINGO D.O.O. Tuzla	(..)**	(..)**
3.	Mercator BH d.o.o. Sarajevo	(..)**	(..)**
4.	FIS d.o.o. Vitez	(..)**	(..)**
5.	Delhaize BH d.o.o. Banja Luka	(..)**	(..)**
6.	Moj Market Banja Luka	(..)**	(..)**
7.	Ostali	(..)**	(..)**
	UKUPNO	(..)**	100,00
	Ukupno (5+6)	(..)**	(..)**

Izvor: podaci iz Prijave; analiza Konkurencijskog vijeća

Tržište trgovine na malo robom široke potrošnje na relevantnom geografskom tržištu Republike Srpske u 2013. godini:

Tabela 3.

R.b.	Naziv privrednog subjekta	Ukupni prihod trgovine na malo (KM)	Tržišni udio %
1.	Delhaize BH d.o.o. Banja Luka	(..)**	(..)**
2.	M-BL d.o.o. Banja Luka	(..)**	(..)**
3.	ZVORNIČANKA d.o.o. Zvornik	(..)**	(..)**
4.	Moj market Banja Luka	(..)**	(..)**
5.	BOST d.o.o. Bjeljina	(..)**	(..)**
6.	Didaco Commerce d.o.o. Laktaši	(..)**	(..)**
7.	Ostali	(..)**	(..)**
UKUPNO		(..)**	100,00
Ukupno (1+4)		(..)**	(..)**

Izvor: podaci iz Prijave; analiza Konkurencijskog vijeća

6. Ocjena koncentracije

Konkurencijsko vijeće analizom relevantnih podataka (Tabela 2. i 3.), u smislu člana 17. Zakona, ocijenilo je da se provođenjem predmetne koncentracije neće značajno povećati tržišni udio učesnika predmetne koncentracije na relevantnom tržištu trgovine na malo robom široke potrošnje u Bosni i Hercegovini i Republici Srpskoj i neće doći do stvaranja i jačanja njihovog dominantnog položaja.

Konkurencijsko vijeće je utvrdilo također da predmetna koncentracija ne sprječava, ograničava niti narušava tržišnu konkurenciju na relevantnom tržištu trgovine na malo robom široke potrošnje u Bosni i Hercegovini i Republici Srpskoj, te je odlučilo kao u dispozitivu ovog Rješenja.

7. Administrativna taksa

Podnosilac prijave na ovo Rješenje, u skladu sa članom 2. Tarifni broj 107. tačka d) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

8. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred sudom Bosne i Hercegovine u roku od 30 dana od dana prijema, odnosno objave ovog Rješenja.

Predsjednik

Gordan Raspudić